



Na osnovu Odluke o obimu prava na korištenje ortopedskih i drugih pomagala, zubnoprotske pomoći i zubnoprotskih nadomjestaka koji se obezbjeđuju u Zavodu zdravstvenog osiguranja Unsko-sanskog kantona („Službeni glasnik USK-a“, 8/10, 19/11 i 11/21), Odluke o jedinstvenoj Listi ortopedskih pomagala, zubnoprotskih pomagala, sanitarnih sprava i endoproteza („Službeni glasnik USK-a“ broj: 22/21) i člana 33. Statuta Zavoda zdravstvenog osiguranja Unsko-sanskog kantona („Službeni glasnik USK-a“, 12/15, 5/19), direktor Zavoda zdravstvenog osiguranja Unsko-sanskog kantona, donosi

**IZMJENE I DOPUNE PRIVREMENOG UPUTSTVA
O NAČINU I POSTUPKU ZA ODOBRAVANJE IZDAVANJA ORTOPEDSKIH I DRUGIH POMAGALA,
ZUBNOPROTETSKE POMOĆI I ZUBNOPROTETSKIH NADOMJESTAKA KOJI SE OBEZBJEĐUJU U
ZAVODU ZDRAVSTVENOG OSIGURANJA UNSKO-SANSKOG KANTONA**

Član 1.

U Privremenom uputstvu o načinu i postupku za odobravanje izdavanja ortopedskih i drugih pomagala, zubnoprotske pomoći i zubnoprotskih nadomjestaka koji se obezbjeđuju u Zavodu zdravstvenog osiguranja Unsko-sanskog kantona broj: 03-37-4973/21 od 30.08.2021. godine - u daljem tekstu: Uputstvo, u članu 29. dodaje se novi stav 2. koji glasi:

„ U prelaznom periodu, Odjeljenje za finansije Zavoda prilikom likvidiranja ispostavljenih faktura od strane ugovornih dobavljača može izvršiti ispravku i usklađivanje šifre ortopedskog pomagala naznačenog na potvrdu o ortopedskom pomagalu sa šifrom tog ortopedskog pomagala sa važeće jedinstvene liste ortopedskih i drugih pomagala.“

Član 2.

U članu 22. stav 3. i 4. se mjenjaju i dodaje se novi stav 5. koji glase:

“Markica iz stava 2. ovog člana se štampa u dva identična primjerka, od kojih jedan primjerak zaposlenik Zavoda prilikom ovjere obrazca potvrde o pomagalu lijepi na obrazac potvrde, a drugi primjerak uručuje osiguranom licu uz potvrdu i drugu dokumentaciju (obrazac IPF) koju je osigurano lice obavezno dostaviti ugovornom dobavljaču koji će je zalijepiti na pomagalo.


U slučaju kada se radi o pomagalima pod šiframa 115, 116, 135, 136, 144-147, 152, 160 i 209-216 iz jedinstvene liste pomagala, zaposlenik Zavoda koji vrši ovjeru potvrde na istu lijepi oba primjerka markice, a ugovorni dobavljač prilikom izrade pomagala na isto na prikladan način aplicira serijski broj sa markice (serijski broj se aplicira pečatom koji sadrži 5 (pet) cifara).

Osigurano lice je za vrijeme korištenja pomagala dužno čuvati pripadajuću markicu/serijski broj od oštećenja i gubljenja, a ukoliko dođe do bilo kakvih oštećenja ili promjena markice uslijed korištenja pomagala o istom odmah obavijestiti nadležnu poslovnicu Zavoda.

Član 3.

Ove izmjene i dopune stapaju na snagu i primjenjuju se danom potpisivanja, i biti će objavljene na službenoj web stranici Zavoda zdravstvenog osiguranja Unsko-sanskog kantona.

Broj: 03-37-6005/21
Bihać, 14.10.2021. godine



V.D. Direktor-a

mr. sci. Jasmin Husetić